

OBXECTO DA CONTRATACIÓN:

“ORQUESTRAS DAS FESTAS PATRONAIS DE SAN XENXO, SANTA ROSALIA E O CARMEN 2015”

PREGO DE CLÁUSULAS ADMINISTRATIVAS PARTICULARES QUE REXERÁN A SÚA CONTRATACIÓN MEDIANTE PROCEDIMENTO NEGOCIADO, TRAMITACIÓN ORDINARIA.

1.- OBXECTO DO CONTRATO: A contratación das **“ORQUESTRAS DAS FESTAS PATRONAIS DE SAN XENXO, SANTA ROSALIA E O CARME 2015”**, conforme a este prego de cláusulas administrativas particulares, ao de prescricións técnicas e a oferta que presente o contratista. En caso de discrepancia entre pregos, primará o sinalado no de cláusulas administrativas particulares. A súa codificación, correspondente ao número de referencia do Vocabulario Común de Contratos Públicos (CPV), é **92312140-4**.

2.-PRESUPUESTO MÁXIMO DA LICITACIÓN: Sinálase como presuposto máximo de licitación, **28.000,00 €**, sen incluír o Imposto sobre o Valor Engadido (en diante IVE), o IVE ascende a **5.880,00 €** e o presuposto máximo de licitación, co IVE, é de **33.880,00 €**.

As ofertas dos licitadores referenciaranse, á baixa, ao importe do presuposto máximo de licitación, co IVE (**33.880,00 €**). No caso de que o licitador non o puntualizase, entenderase que todas as cantidades citadas na súa oferta inclúen o IVE.

3.-FINANCIACIÓN: Para atender as obrigas económicas que se deriven para o ente contratante do cumprimento deste contrato existe crédito suficiente no presuposto vixente con cargo a aplicación .

4.-RISCO E VENTURA E REVISIÓN DE PREZOS: O contrato executarase a risco e ventura do contratista e non procederá a revisión de prezos polo seu reducido prazo de execución.

5.-CAPACIDADE PARA CONTRATAR: Poderán concorrer, por se ou por medio de representantes, as persoas naturais ou xurídicas, españolas ou estranxeiras que, tendo plena capacidade para obrar, non estean incursas nalgunha das prohibicións para contratar que enumera o art. 60 do TRLCSP e acrediten a súa solvencia económica, financeira e técnica.

6.-PROCEDIMENTO DE ADXUDICACIÓN E ORGANO DE CONTRATACIÓN: O contrato adxudicarase mediante procedemento negociado, ao que pode acudirse, dado que se trata dun contrato privado, aplicando o art. 175 do TRLCSP, posto que

o seu valor estimado é inferior a **100.000,00 €**, non tendo que publicarse anuncios ao non ser o seu valor estimado superior a **60.000,00 €** (art.177.2 do TRLCSP), non obstante publicarse a licitación no perfil do contratante do órgano de contratación que figura na páxina web do Concello, **www.sanxenxo.es**.A tramitación é ordinaria.

O art. 9.8 dos Estatutos de Organismo Autónomo "Terra de Sanxenxo" (en diante Terra), prescribe que o Consello de Administración de Terra ten atribuída a contratación e adxudicación de obras, servizos e subministrados ata o límite establecido nas Bases de Execución do Presuposto e o art. 6.2 h) dos mesmos estatutos indica que a Presidencia de Terra terá as demais competencias non expresamente atribuídas ao Consello de Administración. Na Base 25ª do Presuposto Xeral consolidado do Concello para o ano 2014, que está prorrogado para o ano 2015 e que integra o de Terra, indícase, dentro das Normas Específicas para a Entidade Local, seus Organismos Autónomos e Sociedades Dependentes, punto b., que os sistemas de reparto de competencias entre órganos de contratación son os establecidos na Disposición Adicional 2ª 1 e 2 do TRLCSP, engadindo que, no caso de Terra, a competencia do Consello de Administración para estas contratacións queda limitada á que lle corresponde ao Pleno na citada Disposición Adicional, sendo da Presidencia de Terra a competencia para a contratación nos restantes supostos. En aplicación das disposicións citadas nesta cláusula a competencia correspóndelle a **Presidencia de Terra** ao tratarse dun contrato privado inferior a **100.000,00 €**, sendo a súa duración non superior a **CATRO (4) ANOS**.

7.-SOLICITUDE DE PROPOSICIÓNS, PRAZO PARA PRESENTAR PROPOSICIÓNS E LUGAR ONDE PRESENTALAS: De conformidade co disposto no art. 178.1 do TRLCSP, o órgano de contratación solicitará a formulación de proposicións para a execución do contrato, como mínimo, a tres persoas físicas ou xurídicas capacitadas para a realización do obxecto do contrato. A petición realizarase polo ente contratante por escrito, sempre deixando constancia no expediente da recepción das referidas peticións, admitíndose, a estes efectos, a utilización do fax.

As proposicións presentaranse no Rexistro Xeral do Concello de Sanxenxo (en diante Concello), das **9 ás 14 horas**, agás o sábado que será das **9 ás 13 horas**, en sobres pechados que poderán ser lacrados e precintados, firmados polo licitador ou persoa que o represente e coa documentación e requisitos esixidos na cláusula seguinte, dentro do prazo de **CINCO (5) DÍAS NATURAIS**, a contar dende o día seguinte ao da recepción da solicitude da formulación da proposición ou, no caso de non ser invitado a licitación, dende o día seguinte ao da publicación do anuncio da licitación no perfil do contratante. Faise constar que, se o prazo rematase en festivo ou sábado, ampliarase ao día seguinte hábil que non fose sábado.

Poderanse presentar, dentro do prazo de citado no parágrafo anterior, as propostas por correo, tendo o interesado que acreditar, no resgardo correspondente, a data de imposición do envío na OFICINA DE CORREOS, anunciando o mesmo día do envío e

no horario citado ao comezo desta cláusula, ao órgano de contratación, por FAX, ao número **986721022**, a remisión da proposición.

Sen o cumprimento destes requisitos non será admitida a proposición no caso de que fose recibida fóra do prazo previsto no anuncio de licitación. Non obstante, transcorridos **DEZ (10) DÍAS NATURAIS**, contados a partir do seguinte ao do remate do prazo de presentación, non será admitida ningunha proposición remitida por correo.

8.-DOCUMENTACIÓN DAS PROPOSICIÓNS: A presentación da proposición presupón a aceptación incondicional pola parte do licitador das cláusulas deste prego e a declaración responsable de que reúne todas e cada unha das condicións esixidas para contratar co ente contratante.

As propostas constarán de **DOUS (2)** sobres pechados e asinados polo licitador ou persoa que o represente, facendo constar en cada un deles o seu correspondente contido, o nome do licitador e a súa dirección, así como o número de teléfono e, no seu caso, a dirección de correo electrónico para a súa localización inmediata.

Cada licitador non poderá presentar máis que unha soa proposta, individual ou mediante a fórmula de unión temporal. Tampouco poderá figurar en mais dunha unión temporal. O incumprimento desta cláusula dará lugar a desestimación de todas as proposicións presentadas polo mesmo licitador.

No **SOBRE "A"** e baixo a denominación de "**DECLARACIÓN RESPONSABLE**", incluírase unha declaración responsable do licitador, conforme ao modelo que figura no **anexo I** deste prego, indicando que cumpre as condicións para facer este contrato con Terra e que, se recae ao seu favor á proposta de adxudicación, se compromete a presentar ante o órgano de contratación a documentación que se cita na cláusula 11ª deste prego, no prazo que nesa cláusula se sinala. En todo caso o órgano de contratación, a efectos de garantir o bo fin do procedemento, poderá recabar, en calquera momento anterior a proposta de adxudicación, que os licitadores aporten documentación acreditativa do cumprimento das condicións establecidas para ser adxudicatarios do contrato, especialmente as condicións de solvencia que tamén se citan de seguido:

-Solvencia económica e financeira: Acreditarase mediante a presentación polo licitador dunha declaración sobre o volume global de negocios ou ben sobre o volume de negocios no ámbito da actividade ao que se refire o presente contrato, referida aos **TRES (3)** últimos exercicios, por importe igual ou superior ao esixido no anuncio de licitación, **(28.000,00 €)**.

-Solvencia técnica e profesional: Acreditarase mediante a presentación polo licitador dunha relación de servizos realizados relacionados co obxecto do contrato, en contía total igual ou superior a **102.000,00 €**, sen incluír o IVE, realizados no curso dos

CINCO (5) ANOS anteriores a data finalización do prazo de presentación de ofertas desta licitación e que incluíra importe, datas e o destinatario, público ou privado, dos mesmos. Os servizos acreditaranse mediante certificados expedidos ou visados polo órgano competente, cando o destinatario sexa unha entidade do sector público ou, cando o destinatario sexa un suxeito privado, mediante un certificado expedido por este ou, a falta deste certificado, mediante unha declaración do empresario. No caso de non aportar a documentación conforme ao que se sinala neste parágrafo, non computará para acreditar a solvencia técnica.

Faise constar que a data para apreciar a concorrencia dos requisitos de capacidade e solvencia esixidos para contratar coa Administración, será o da finalización do prazo de presentación de las proposiciones e do cumprimento nesa data dos requisitos, deberán responder os documentos e certificacións que se presenten.

No SOBRE "B" e baixo denominación "**OFERTA**" realizarase a proposta de acordo co modelo que se achega no anexo II deste prego, debendo os licitadores axustar a súa proposta aos aspectos sobre os que se desenvolverá a negociación que figuran na cláusula seguinte deste prego, acompañada da documentación que se describe na citada cláusula.

9.- ASPECTOS SOBRE OS QUE SE DESENVOLVERÁ A NEGOCIACIÓN: Serán os seguintes que se valorarán e ponderarán como a continuación se sinala, xunto coa documentación a presentar para que poidan puntuarse:

-Orquestras ofertadas. Ata un máximo de **VINTE (20) PUNTOS**. A estes efectos os licitadores deberán presentar un escrito indicando as orquestras ofertadas para cada día de actuación, puntuándose subxectivamente en función da maior repercusión e posibilidades de preferencia colectiva de cada orquestra ofertada.

-Prezo: Expresarase nunha cantidade que non poderá superar o orzamento máximo de licitación, co IVE, que figura na **cláusula 2ª** deste prego (**33.880,00 €**). Valorarase ata un máximo de **OITENTA (80) PUNTOS**. Para a determinación da puntuación que, no seu caso, corresponda a cada oferta calcularase, no primeiro lugar, a porcentaxe de baixa a que correspondería a calificación de temeraria por aplicación dos criterios do art. 85.1 ao 4 do R.D. 1098/2001, polo que aprobouse o Regulamento Xeral da Lei de Contratos das Administracións Públicas (en diante RXC). As ofertas que igualasen ou superasen a porcentaxe de baixa correspondente a calificación de temeraria terán a puntuación máxima por este criterio, o resto obterán a puntuación proporcional que corresponda entre a súa porcentaxe de baixa e a porcentaxe de baixa a que corresponda a calificación de temeraria por aplicación dos criterios do art. 85.1 ao 4 do RXC.

10.-APERTURA DOS SOBRES, FASE DE NEGOCIACIÓN E CLASIFICACIÓN DAS OFERTAS UNHA VEZ REMATADA A FASE DE NEGOCIACIÓN:

a) A apertura e cualificación da documentación incluída no **SOBRE "A"** as realizará o órgano de contratación. Se o órgano de contratación observase defectos ou omisións subsandables na documentación presentada no **SOBRE "A"** comunicarao verbalmente ao interesado, ao número de teléfono que apareza na portada da plica, concedendo un prazo de **DOUS (2) DÍAS NATURAIS**, contado a partir da práctica da comunicación, para que os licitadores corrixa ou emenden os defectos ou omisións. Faise constar que, se o prazo rematase en festivo ou sábado, se ampliará ao día seguinte hábil que non fose sábado. Do actuado deixarase constancia na acta que necesariamente deberá extenderse.

b) O procedemento de adxudicación continuará coa apertura polo órgano de contratación do **SOBRE "B"** dos licitadores que presentaron a documentación esixida no **SOBRE "A"**, levantándose polo secretario acta a tal efecto na que se deixará constancia das características das ofertas dos licitadores, xa sexa mediante a súa descrición escrita ou mediante copia compulsada das ofertas abertas.

c) No suposto de que soamente fose **UNHA (1) PLICA** admitida a optar a contratación do contrato, o órgano de contratación, invitará como mínimo, a unha nova persoa física ou xurídica capacitada para a realización do obxecto do contrato, para que no prazo de **CINCO (5) DÍAS NATURAIS**, a contar dende o seguinte ao da recepción da invitación presente a súa proposición no Rexistro Xeral do Concello de Sanxenxo, das **9 ás 14 horas**, agás o sábado que será das **9 ás 13 horas**, todo de acordo ao disposto na cláusula 7ª do presente Prego. A petición realizarase polo ente contratante por escrito, sempre deixando constancia no expediente da recepción da/as referida/ass petición/s, admitíndose, a estes efectos, a utilización do fax e medios telemáticos (e-mails).

d) Admitidas a lo menos dúas proposicións, coas que se iniciará e se desenvolverá a negociación para obter a contratación, a continuación o órgano de contratación solicitará a emisión de informe/s técnico/s, realizado por persoal ao servizo do Concello ou de calquera dos seus organismos autónomos que teña cualificación profesional adecuada, en razón da materia obxecto da contratación e no que figurará unha proposta de atribución de puntuación conforme aos aspectos sobre os que versará a negociación, e as súas normas de valoración que figuran neste prego, sendo o límite máximo de puntuación o que está descrito na cláusula 9ª deste prego e o límite mínimo **CERO (0)** puntos e a determinación de se na oferta do contratista figuran aspectos susceptibles de non ser puntuados conforme ao descrito na cláusula 9ª deste prego.

e) Unha vez realizada a valoración das ofertas presentadas, abrirase a fase de negociación coas diferentes persoas físicas ou xurídicas, que presentaron as ofertas sobre a base das mesmas. A estes efectos se trasladará a cada un dos licitadores o resultado da valoración técnica de todas as plicas presentadas, comunicándolles a apertura da fase de negociación, que se celebrará nas dependencias do concello,

ante o responsable deste contrato, que será asistido por un técnico municipal e un funcionario do concello. Na citada reunión se procederá a negociar á vista das ofertas presentadas, e sobre os aspectos sobre os que se pode desenvolver a negociación que figuran na cláusula 9ª deste Prego. Do resultado da negociación realizada na reunión citada anteriormente se levantará Acta na que constará a oferta final de cada unha das empresas, facendo constar que no caso de que algunha das empresas convocadas á reunión de negociación non se presentase, entenderase que mantén a súa oferta inicial.

f) Unha vez realizada a fase de negociación o órgano de contratación solicitará emisión de informe técnico realizado polo persoal ao servizo do Concello ou de calqueira dos seus organismos autónomos, que teña cualificación profesional adecuada, en razón da materia obxecto do contrato, para que faga unha proposta de atribución de puntuación sobre as ofertas resultantes da fase de negociación conforme aos criterios e as súas normas de valoración que figuran neste prego, sendo o límite máximo de puntuación o que está descrito na cláusula 9ª deste prego e o límite mínimo **CERO (0)** puntos e a determinación de se na oferta do contratista figuran aspectos susceptibles de non ser puntuados conforme ao descrito na cláusula 9ª deste prego.

g) Finalmente o órgano de contratación clasificará, pola orde de maior a menor puntuación as ofertas presentadas conforme aos criterios e as súas normas de valoración que figuran neste prego e procederá a apreciar se, no seu caso, existen valores desproporcionadas ou anormais nas ofertas, utilizando, para o prezo, os criterios establecidos no art. 85.1 ao 4 do RXC. Se o órgano de contratación entende que a proposición máis valorada podería ser cualificada como anormal ou desproporcionada, tramitará o procedemento previsto no art. 152.3 do TRLCSP.

11.-REQUIRIMENTO DE DOCUMENTACIÓN: O órgano de contratación requirirá, para que presente no prazo de **DEZ (10) DIAS HÁBILES** a contar dende o seguinte a aquel no que se reciba o requirimento, a documentación que se cita nos seguintes parágrafos, ao licitador que teña a proposta máis valorada, sempre que a súa oferta non fose declarada desproporcionada ou anormal, suposto que, de darse, provocará que o órgano de contratación a exclúa e faga o requirimento a favor da seguinte proposición coa puntuación máis elevada, sempre que poida cumprirse a satisfacción da Administración e que non sexa considerada anormal ou desproporcionada.

A data para apreciar a concorrencia dos requisitos de capacidade e solvencia esixidos para contratar coa Administración (documentación correspondente a todos os puntos agás o 8º, en canto a formalización en escritura pública das Unións Temporais de Empresas e a presentación do CIF da Unión Temporal), será o da finalización do prazo de presentación de las proposiciones e do cumprimento nesa data dos requisitos, deberán responder os documentos e certificacións que se presenten.

Os documentos a presentar, que deberán ser orixinais, admitíndose fotocopias dilixenciadas polo Secretario do ente contratante ou funcionario/a en quen delegue, nas que se faga constar que foron compulsadas cos seus orixinais, son os seguintes.

1.-Acreditación da personalidade xurídica do licitador:

a) No caso de persoas xurídicas: Escritura de constitución ou modificación inscrita, se é o caso, no Rexistro Mercantil, cando este requisito fose esixible conforme á lexislación mercantil que lle sexa aplicable. Se non o é, escritura ou documento de constitución, de modificación, estatutos ou acto fundacional, no que conste as normas polas que se regula a súa actividade, inscritos, se é o caso, no correspondente rexistro oficial.

b) No caso de persoas físicas: Número do Documento Nacional de Identidade (en diante DNI), Número de Identificación Fiscal ou pasaporte.

2.-Acreditación da representación de quen actúa en nome do licitador (aplicable a todos os casos, agás aquel no que o licitador sexa unha persoa física e actúe por se mesma): Poder notarial bastanteadado polo Secretario Xeral do ente contratante.

3.-Declaración responsable do licitador, conforme ao modelo que figura no **anexo III** deste prego, de non atoparse incurso nas prohibicións para contratar establecidas no art. 60 do TRLCSP: En caso de que o licitador fose persoa xurídica, a declaración deberá referirse a mesma persoa xurídica e aos seus administradores.

4.-Documentación acreditativa da solvencia económica e financeira e da técnica e profesional:

A solvencia económica e financeira acreditarase mediante a presentación polo licitador dunha declaración sobre o volume global de negocios ou ben sobre o volume de negocios no ámbito da actividade ao que se refire o presente contrato, referida aos **TRES (3)** últimos exercicios, por importe igual ou superior ao esixido no anuncio de licitación, **(28.000,00 €)**.

A solvencia técnica e profesional acreditarase mediante a presentación polo licitador dunha relación de servizos realizados relacionados co obxecto do contrato, en contía total igual ou superior a **102.000,00 €**, sen incluír o IVE, realizados no curso dos **CINCO (5) ANOS** anteriores a data finalización do prazo de presentación de ofertas desta licitación e que incluírá importe, datas e o destinatario, público ou privado, dos mesmos. Os servizos acreditaranse mediante certificados expedidos ou visados polo órgano competente, cando o destinatario sexa unha entidade do sector público ou, cando o destinatario sexa un suxeito privado, mediante un certificado expedido por este ou, a falta deste certificado, mediante unha declaración do empresario. No caso de non aportar a documentación conforme ao que se sinala neste parágrafo, non

computará para acreditar a solvencia técnica.

5.-Rexistro de licitadores:A inscrición do licitador no Rexistro Oficial de Licitadores e Empresas Clasificadas do Estado ou no Rexistro Xeral de Contratistas da Comunidade Autónoma de Galicia eximirá aos licitadores de presentar a documentación esixida neste sobre correspondente aos puntos 1, 2, 3 e 4 (agás a acreditativa da solvencia técnica ou profesional). Deberá acreditarse mediante unha certificación expedida polo Rexistro de que se trate acompañada dunha declaración responsable, conforme ao modelo que figura no anexo IV deste prego, do licitador na que se manifieste que as circunstancias reflectidas no certificado non experimentaron variación.

6.-Xustificación acreditativa de encontrarse ao corrente das obrigas tributarias (Imposto sobre Actividades Económicas –en diante IAE-, Estado, e Concello) e coa Seguridade Social. No que respecta ao IAE presentátese a alta, referida ao exercizo corrente ou o último recibo, completado cunha declaración responsable de non se ter dado de baixa na matrícula do imposto. Non obstante, cando a empresa non estea obrigada ao pagamento do IAE, abondará declaración responsable asinada polo licitador ao respecto. En todos os demais supostos presentaranse certificacións positivas dos organismos administrativos competentes.

7.-Garantía definitiva do 5% do importe total da adxudicación, excluído o IVE, retida no pagamento do prezo do contrato.

8.-Unións temporais de empresarios: Dous ou máis empresarios poderán presentar propostas conxuntas de licitación constituíndo unha unión temporal de conformidade co establecido no art. 59 do TRLCSP, debendo acreditar cada un a súa personalidade, capacidade e solvencia nos termos do presente prego, acumulándose, para os efectos da determinación da solvencia da unión temporal, as características acreditadas para cada un dos seus integrantes, cos nomes e circunstancias dos empresarios que a subscriban, a participación de cada un deles, o compromiso de constituírse formalmente en unión temporal no caso de ser adxudicatarios do contrato e designar a persoa que será o seu representante ante o ente contratante. No suposto de resultar adxudicataria deberán acreditar a constitución da unión temporal en escritura pública e presentar o Código de Identificación Fiscal da unión temporal e a súa duración coincidirá coa do contrato e ata a súa extinción. Os empresarios que concorran agrupados en unións temporais quedarán obrigados solidariamente diante do ente contratante.

9.-Empresas non españolas:

a) Acreditación da capacidade:

a-1) Empresas non españolas de Estados membros da Unión Europea ou de

Estados signatarios do Acordo sobre Espazo Económico Europeo (Islandia, Liechtenstein e Noruega): Acreditarase mediante declaración xurada de estar habilitadas para realizar a prestación de que se trate de acordo coa lexislación do Estado onde estean establecidas. Cando dita lexislación esixa unha autorización especial ou a pertenza a unha determinada organización para poder prestar nel o servizo de que se trate deberán acreditar o cumprimento deste requisito.

a-2) Empresas non españolas non incluídas no apartado anterior: Acreditarase mediante a seguinte documentación:

Informe da respectiva Misión Diplomática Permanente española na que se faga constar que o Estado de procedencia da empresa estranxeira admite a súa vez a participación de empresas españolas na contratación coa Administración e cos entes, organismos ou entidades do sector público asimilables aos enumerados no art. 3 do TRLCSP, en forma substancialmente análoga.

b) Declaración de someterse á xurisdicción dos Xulgados e Tribunais españois: Comprenderá os xulgados e tribunais de calquera orde, para tódalas incidencias que, de modo directo ou indirecto, puideran xurdir do contrato, coa renuncia do foro xurisdiccional estranxeiro que puidese corresponder ao licitador.

12.-ADJUDICACIÓN DO CONTRATO: O órgano de contratación, dentro do prazo dos **CINCO (5) DÍAS HÁBILES** seguintes á recepción da documentación requirida na cláusula anterior, adjudicará motivadamente o contrato. Non poderá declararse deserta unha licitación cando exista algunha oferta que sexa admisible de acordo cos criterios que figuran neste Prego.

O acordo de adjudicación notificarase aos licitadores e, simultaneamente, publicarase no perfil de contratante. Tanto na notificación como na publicación no perfil do contratante se indicará o prazo no que debe procederse a formalización do contrato. Faise constar que o prazo para considerar rexeitada a notificación, cos efectos previstos no art. 59.4, da Lei 30/1992, do 26 de novembro é de **CINCO (5) DÍAS**.

13.-FORMALIZACIÓN DO CONTRATO: A Administración e o contratista deberán formalizar o contrato en documento administrativo que se axuste, con exactitude, ás condicións da licitación, dentro dos **QUINCE (15) DÍAS HÁBILES** seguintes ao da notificación da adjudicación, constituíndo título suficiente para acceder a calquer rexistro público. Non obstante o anterior dito contrato administrativo poderá elevarse a escritura pública a petición do contratista e a súa costa.

14.-DEBER DE CONFIDENCIALIDADE E PROTECCIÓN DE DATOS DE CARÁCTER PERSOAL: O contratista deberá respectar o carácter confidencial daquela información á que teña acceso coa ocasión da execución do contrato. A Administración non poderá divulgar a información facilitada por os licitadores que estes designen como confidencial. A estes efectos, os licitadores deberán incorporar en cada un dos sobres unha relación coa documentación á que dean ese carácter.

A empresa adxudicataria e o seu persoal están obrigados a gardar secreto profesional respecto dos datos de carácter persoal dos que poidan ter coñecemento por razón da prestación do contrato, obriga que subsistirá aínda logo da finalización do mesmo, de conformidade co art. 10 da Lei Orgánica 15/1999, do 13 de decembro, de Protección de Datos de Carácter Persoal (en diante LOPD). O adxudicatario deberá formar e informar ao seu persoal das obrigas que en materia de protección de datos estean obrigados a cumprir no desenvolvemento das súas tarefas para a prestación do contrato, en especial as derivadas do deber de segredo, respondendo a empresa adxudicataria persoalmente das infraccións legais en que por incumprimento dos seus empregados puidese incurrir. O adxudicatario e o seu persoal durante a realización dos servizos que se presten como consecuencia do cumprimento do contrato, estarán suxeitos ao estrito cumprimento dos documentos de seguridade das dependencias municipais nas que se desenvolva o seu traballo.

Se o contrato adxudicado implica o tratamento de datos de carácter persoal deberase respectar, na súa integridade, a LOPD e a súa normativa de desenvolvemento, de conformidade co establecido na Disposición Adicional Vixésimo Sexta do TRLCSP.

15.-DURACIÓN DO CONTRATO E MODIFICACIÓNS DO MESMO: O contrato durará dende a súa sinatura ata a celebración da derradeira das actuacións previstas no prego de prescricións técnicas.

Non se prevén modificacións do contrato neste prego, motivo polo que tan só poderán efectuarse cando concorra algunha das circunstancias enumeradas no art.107 do TRLCSP, que terán que xustificarse axeitadamente polo órgano de contratación e seguindo o procedemento do art. 108 do TRLCSP en relación co art. 211 do mesmo texto legal. Ademais, se experimenta variación o prezo do contrato, deberá reaxustarse a garantía para que garde a debida proporción co novo prezo modificado no prazo de **QUINCE DÍAS (15) NATURAIS** contado dende a data na que se notifique ao empresario o acordo de modificación. De conformidade cos arts. 156 e 219.2 do TRLCSP, as modificacións deberán formalizarse en documento administrativo.

16.-GASTOS A CARGO DO CONTRATISTA: Serán da súa conta os tributos de calquera Administración que pesen sobre o contrato ou sobre o seu obxecto, así como a obter as licencias e autorizacións necesarias para a execución do contrato e o aboamento do tributo correspondente.

17.-RESPONSABLE DO CONTRATO: A efectos do disposto no art. 52 do TRLCSP será o/a Conselleiro/a de Terra que ostente, a súa vez, a Concellería/Delegada de Cultura ou similar que asuma as competencias nesa materia o/a responsable do contrato.

18.-RÉXIME XURÍDICO E ORDE XURISDICCIONAL COMPETENTE: Os contratos de creación e interpretación artística ou espectáculos teñen o carácter de contrato privado, de conformidade co establecido no art. 20.2 do TRLCSP. Os actos de preparación e adjudicación deste contrato, regularanse, en defecto de normas específicas, polo establecido no TRLCSP e as súas disposicións de desenvolvemento (art. 20.2 TRLCSP). Os efectos e a extinción do contrato encóntranse suxeitos ao dereito privado, tal e como sinala o art. 20.2, in fine, do TRLCSP.

As cuestións litixiosas xurdidas sobre a preparación, competencia e adjudicación deste contrato serán resoltas polo órgano de contratación, acordos que porán fin a vía administrativa e contra os que caberá recurso contencioso-administrativo conforme ao disposto pola lei reguladora desta xurisdición, despois da interposición previa, se é o caso, do recurso de reposición potestativo. As cuestións litixiosas que puidesen xurdir en relación á modificación, efectos e extinción do contrato estarán sometidas á orde xurisdiccional civil, nestos casos será requisito necesario a presentación da correspondente reclamación administrativa previa á vía civil.

Sanxenxo, 16 de xullo de 2.015.

O Presidente do O.A. Terra de Sanxenxo



Gonzalo Gonzalo Pita

ANEXO I

MODELO DE DECLARACIÓN DO LICITADOR INDICANDO QUE CUMPRE AS CONDICIÓNIS ESTABLECIDAS LEGALMENTE PARA CONTRATAR CO CONCELLO DE SANXENXO.(incluír no SOBRE "A")

D -----, DNI nº ----- e domicilio en -----
-----, en nome propio ou en representación da persoa xurídica -----
-----, CIF nº-----, a efectos de incorporar á súa proposta para
participar no procedemento de contratación das **"ORQUESTRAS DAS FESTAS
PATRONAIS DE SAN XENXO, SANTA ROSALIA E O CARME 2015"**, **DECLARO**
o seguinte:

-Que o licitador cumpre coas condicións establecidas legalmente para ser adxudicatario deste contrato co Organismo Autónomo "Terra de Sanxenxo" e comprométese, no suposto de ser o licitador proposto para a adxudicación, a entregar a documentación acreditativa do cumprimento que figura detallada na cláusula 11ª do Prego de Cláusulas Administrativas Particulares, no prazo que nesa mesma cláusula se establece. Así mesmo o licitador comprométese a entregar a documentación citada na cláusula 11ª do Prego de Cláusulas Administrativas Particulares en calquera momento anterior á adopción da proposta de adxudicación, en caso de ser requirido para iso polo órgano de contratación.

(Lugar, data e sinatura do proponente)

ANEXO II

MODELO DE OFERTA A INCLUIR NO SOBRE "B"

D _____, DNI nº _____ e domicilio en _____
_____, en nome propio ou en representación da persoa xurídica _____
_____, CIF nº _____, a efectos de incorporar á súa proposta para
participar no procedemento de contratación das **"ORQUESTRAS DAS FESTAS
PATRONAIS DE SAN XENXO, SANTA ROSALIA E O CARME 2015"**, "
comprométese a executar o contrato con suxeición ao prego de cláusulas
administrativas particulares, ao prego de prescricións técnicas e a presente oferta
que axusta aos aspectos sobre os que se desenvolverá a negociación, e dos que
dependerá a adxudicación, fixado na **cláusula 9ª do prego** de cláusulas
administrativas particulares, acompañando a documentación que nesa cláusula se
esixe::

-Prezo: Ofrezco a realización da contrato: **"ORQUESTRAS DAS FESTAS
PATRONAIS DE SAN XENXO, SANTA ROSALIA E O CARME 2015"**, polo
seguinte prezo que expresa o presuposto máximo de licitación, co Imposto sobre o
Valor Engadido (en diante IVE), que non supera o sinalado na **cláusula 2ª** deste
prego **(33.880,00 €)**:

Sen IVE _____ (en número e letra) €

IVE _____ (en número e letra) €

Total co IVE _____ (en número e letra) €

O que supón a seguinte baixa total respecto do orzamento de
licitación, incluído o IVE de _____ (en número e letra) €.

-Orquestras ofertadas. Adxunto un escrito indicando as orquestras ofertadas para
cada día de actuación a efectos de que se valoren en función da maior repercusión e
posibilidades de preferencia colectiva de cada orquestra ofertada.

(Lugar, data e sinatura do proponente)

ANEXO III

MODELO DE DECLARACIÓN DO LICITADOR PROPOSTO PARA A ADXUDICACIÓN DE NON ATOPARSE INCURSO EN PROHIBICIÓN DE CONTRATAR. (A presentar só polo licitador a quen se lle requira documentación por ser o proposto para a adxudicación do contrato)

D -----, DNI nº ----- e enderezo en -----
-----, en nome propio ou en representación da persoa xurídica -----
-----, CIF nº-----, como licitador proposto para a adxudicación a contratación de **“ORQUESTRAS DAS FESTAS PATRONAIS DE SAN XENXO, SANTA ROSALIA E O CARME 2015”**, **DECLARO** o seguinte:

-Que nin o licitador nin, no seu caso, os seus administradores ou órganos de dirección están incursos nas prohibicións de contratar establecidas no artigo 60 do Real Decreto Legislativo 3/11, do 14 de novembro, polo que se aproba o texto refundido da Lei de Contratos do Sector Público Lei 30/07.

(Lugar, data e sinatura do licitador)

ANEXO IV

MODELO DE DECLARACIÓN DO LICITADOR DA NON VARIACIÓN DAS CIRCUNSTANCIAS INCLUÍDAS NA CERTIFICACIÓN DE INSCRICIÓN NO REXISTRO DE LICITADORES. A presentar só polo licitador a quen se lle requira documentación por ser o proposto para a adxudicación do contrato)

D -----, DNI nº ----- e enderezo en -----
-----, en nome propio ou en representación da persoa xurídica -----
-----, CIF nº-----, como licitador proposto para a adxudicación
do contrato de **“ORQUESTRAS DAS FESTAS PATRONAIS DE SAN XENXO,
SANTA ROSALIA E O CARME 2015”**, **DECLARO** o seguinte:

-Que as circunstancias reflectidas no certificado acreditativo de inscrición no Rexistro Oficial de Licitadores (Estado/Comunidade Autónoma de Galicia) que se acompaña non experimentaron variación dende a data da súa expedición

(Lugar, data e sinatura do proponente)